

ქალაქ თბილისის მუნიციპალიტეტის საკრებულო

განკარგულება №

---აგვისტო 2018 წელი

ქ.თბილისში, მთაწმინდის რაიონში, ზვიად გამსახურდიას სანაპიროსთან მდებარე უსახელო ქუჩისთვის ფილოსოფიის მეცნიერებათა დოქტორის, აკადემიკოს ბაჩანა ბრეგვაძის სახელის მინიჭების შესახებ

1. საქართველოს ორგანული კანონის “ადგილობრივი თვითმმართველობის კოდექსი” 68-ე მუხლის პირველი პუნქტის „გ“ ქვეპუნქტის, „მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, საქართველოს მთავრობის 2015 წლის 1 ივნისის №239 დადგენილებისა და „ქ.თბილისის მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, ქ.თბილისის მუნიციპალიტეტის საკრებულოს 2015 წლის 16 ივნისის №14-59 დადგენილების თანახმად, ქ.თბილისის მუნიციპალიტეტის საკრებულომ დაადგინა:

ა) მთაწმინდის რაიონში, ზვიად გამსახურდიას სანაპიროსთან მდებარე უსახელო ქუჩას მიენიჭოს ფილოსოფიის მეცნიერებათა დოქტორის, აკადემიკოს ბაჩანა ბრეგვაძის სახელი, თანდართული რუკის თანახმად.

ბ) ქ.თბილისის მუნიციპალიტეტის მერიამ, ოთხი თვის ვადაში, უზრუნველყოს ამ განკარგულების შესასრულებლად საჭირო ღონისძიებების განხორციელება.

2. განკარგულება, ერთი თვის ვადაში, შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი, მე-12 კმ., №6).

საკრებულოს თავმჯდომარე

გიორგი ტყემალაძე



X=483943 Y=4616136

ბაზანა ბრეგვაძის ქ.

X=483883 Y=4616267

1:2,649





ქალაქ თბილისის მუნიციპალიტეტის მერი



წერილის ნომერი: 01-01181433816

თარიღი: 23.05.2018

ადრესატი:

ქალაქ თბილისის მუნიციპალიტეტის საკრებულო

მისამართი: თავისუფლების მოედანი N2

ქალაქ თბილისის მუნიციპალიტეტის საკრებულოს თავმჯდომარეს

ბატონ გიორგი ტყემალაძეს

ბატონო გიორგი,

ქალაქ თბილისის მუნიციპალიტეტის მერიას განცხადებით მომართა მოქალაქე ანა ბრეგვაძემ, ქ.თბილისის რომელიმე ქუჩისთვის ბაჩანა ბრეგვაძის სახელის მინიჭების თაობაზე.

მოგახსენებთ, რომ აღნიშნულ საკითხთან დაკავშირებით, საქართველოს კულტურისა და ძეგლთა დაცვის სამინისტროდან წარმოდგენილია გამოჩენილი ქართველის მწერლის, მთარგმნელის, ფილოსოფოსის, საქართველოს მეცნიერებათა ეროვნული აკადემიის აკადემიკოსის, საქართველოს მწერალთა კავშირის წევრის, ორგზის ღირსების ორდენის, ფილოსოფიის მეცნიერებათა დოქტორის ბაჩანა ბრეგვაძის დაკრძალვის ცერემონიის გამართვისთვის უწყებათშორისი კომისიის სხდომის ოქმი (იხ.დანართი), რომლის საფუძველზეც სხვა ღონისძიებებთან ერთად გათვალისწინებულია ქ.თბილისის რომელიმე ქუჩისთვის ბაჩანა ბრეგვაძის სახელის მინიჭების საკითხის წარდგენა.

ზემოაღნიშნულის გათვალისწინებით, ქალაქ თბილისის მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის მე-7 მუხლის 1 პუნქტის თანახმად, ვშუამდგომლობთ თქვენ წინაშე, რათა ქ.თბილისის რომელიმე ქუჩას ეწოდოს ბაჩანა ბრეგვაძის სახელი.

გთხოვთ, აღნიშნული ინიციატივა განიხილოთ დადგენილი წესის მიხედვით.

დანართი: 6 გვერდი.

პატივისცემით,

ქალაქ თბილისის მუნიციპალიტეტის მერი

კახა კალაძე

ქალაქ თბილისის მერს, ბ-ნ კახა კალაძეს

ბ-ნო კახა,

2016 წლის 13 თებერვალს 80 წლის ასაკში გარდაიცვალა დიდი ქართველი მოაზროვნე, ქართული კულტურის უდიდესი ამაგდარი, მთარგმნელი, მწერალი, ფილოსოფოსი, ფილოსოფიურ მეცნიერებათა დოქტორი, საქართველოს მეცნიერებათა აკადემიის აკადემიკოსი, მრავალი ლიტერატურული პრემიის ლაურეატი, საქართველოს ეკლესიის მთავარი ჯილდოს - წმინდა გიორგის ორდენის კავალერი, ღირსების ორგზის ორდენოსანი, თბილისის საპატიო მოქალაქე ბაჩანა ბრეგვაძე - პატრიარქის კურთხევითა და საქართველოს მთავრობის გადაწყვეტილებით დაკრძალული მთაწმინდის მწერალთა და საზოგადო მოღვაწეთა პანთეონში. მიუხედავად ამ ხმაურიანი რეგალიებისა, მან უჩუმრად და უხმაუროდ იცხოვრა. ამ ჯილდოთაგან თითქმის აბსოლუტური უმრავლესობა დაუსწრებლად აქვს მიღებული. პრინციპულად არ ყოფილა არასოდეს არც ერთი პარტიის წევრი. სიყმაწვილის წლებში, კომუნისტურ სინამდვილეში თავი აარიდა სავალდებულო კომკავშირელობასაც კი. არასოდეს, არავითარი მატერიალური ჯილდო, ან რაიმე სახის ქონება არ მიუღია და მით უმეტეს, არ მოუთხოვია არც ერთი ხელისუფლებისთვის თუ თანამდებობის პირისთვის. ცხოვრების მიმწუხრზე ბ-ნი ბიძინა ივანიშვილის დახმარების დაბრუნებაც არაერთხელ სცადა, თუმცა, ვერ მოახერხა და ხელუხლებლად დატოვა. ზემოთქმულისა გამო, ბაჩანა ბრეგვაძის ცხოვრება ფაქტიურ სიდარიზეში გაილია. იცხოვრა უკომპრომისოდ, თავის საქმეში მტკიცედ და შექმნა უდიდესი კულტურული სიმდიდრე. საქართველოს მოსახლეობას დღეს აქვს საშუალება უმნიშვნელოვანეს ავტორებს, ფილოსოფიურ და მხატვრულ ნააზრევს მშობლიურ ენაზე გაეცნოს. ბაჩანა ბრეგვაძის მიერ რელიგიური ლიტერატურის, ხოლო 70-იან წლებში სახარების ძველი ბერძნული დედნიდან თანამედროვე ქართულ ენაზე თარგმნა, რათა ამ უმთავრესი ტექსტის შინაარსი საყოველთაოდ გასაგები და ხელმისაწვდომი გამხდარიყო, გახლდათ უხმაურო, მაგრამ უდიდესი დემარში და პროტესტი საბჭოთა ხელისუფლების მიმართ და კიდევ ერთი უდიდესი ძღვენი მივიწყებული სულიერებისადმი. ასეთი ცხოვრების გამო მას სენაკელ ბერს, დიდ მთაწმინდელთა საქმის გამგრძელებელს უწოდებენ, მის ნამოღვაწარს კი 100 ინსტიტუტის ნამუშევრის ტოლფასად რაცხავენ.

ბაჩანა ბრეგვაძის გარდაცვალების შემდეგ ყველა ნეკროლოგი და მათ შორის თბილისის მერიისა, იუწყებოდა, რომ ბაჩანა ბრეგვაძის სახელი მიენიჭებოდა ერთ-ერთ ქუჩას. მას შემდეგაც არაერთ ბეჭდურ გამოცემაში აღინიშნა, რომ ბაჩანა ბრეგვაძის სახელი მინიჭებული აქვს თბილისის ერთ-ერთ ქუჩას, რაც სიმართლეს არ შეესაბამება. თუმცა კი, დღეს, როდესაც ბაჩანა ბრეგვაძის თავმდაბლობა წინ ვედარ აღუდგება ასეთ ღონისძიებებს, მისი სახელი ნამდვილად იმსახურებს, რომ მინიჭებული ჰქონდეს თბილისის ერთ-ერთ ქუჩას (თუ უფრო მეტს არა).

ამ წერილის მოწერა 2018 წლის 2 მაისს თბილისის მუნიციპალიტეტის მთავრობის სხდომაზე თქვენი გამოსვლის შემდეგ ვიფიქრეთ. თქვენ ბრძანეთ, რომ თბილისში 18 ლოკაციას სახელი გადაერქმევა, შესაძლოა ამ სახელთა შორის ბაჩანა ბრეგვაძეცა - არ ვიცით, თუმცა ძალიან

დროული და მართებული იქნებოდა, მათი სახელობის ქუჩების სიახლოვეს, ვის გვერდითაცაა დაკრძალული - ილია ჭავჭავაძისა და ექვთიმე თაყაიშვილის ქუჩათა და ამავე დროს, თბილისის სახელმწიფო უნივერსიტეტის მიმდებარედ, არსებობდეს ბაჩანა ბრეგვაძის სახელობის ქუჩაც (მაგალითად ნაფარეულისა, ან დარიალის ქუჩებს თუ მიენიჭებათ). მით უმეტეს, რომ 1964 წლიდან თბილისში სწორედ ამ ტერიტორიაზე ცხოვრობდა - მეუღლის კუთვნილ ბინაში (მაშინდელ გარეუბანში) ზაქარია ფალიაშვილის ქუჩაზე. აქ დადიოდა, ქმნიდა და აქვე გარდაიცვალა. ასევე სასურველია მისი საცხოვრებელი სახლის ფასადზე - ფალიაშვილის ქ. #62-ა - არსებობდეს მემორიალური დაფა.

ბ-ნო მერო, იმედი გვაქვს გაითვალისწინებთ ჩვენი წერილის შინაარსს. გვჯერა, საკითხს მიუდგებით თბილისისა და თბილისის მერიისთვის მიზანშეწონილობიდან გამომდინარე და მიიღებთ შესაბამის გადაწყვეტილებას.

უღრმესი პატივისცემით

ბაჩანა ბრეგვაძის ოჯახი

იმ უამრავი მოქალაქის სახელით, ვინც სისტემატურად გვეკითხება, შესრულდა თუ არა მერიის დაპირება თბილისის ერთ-ერთი ქუჩისთვის ბაჩანა ბრეგვაძის სახელის მინიჭების შესახებ.

P.S. თავს უფლება მივეციტ წერილი წარმოგვედგინა ამ ინიციატივის მომხრეთა ხელმოწერების გარეშე და არ შევაწუხეთ ადამიანები და თავად ბაჩანა ბრეგვაძის ხსოვნა ხელმოწერათა შეგროვებით, რადგან ინიციატორი თავად თბილისის მერიაა.

03.05.2017.

გამოჩენილი ქართველი მწერლის, მთარგმნელის, ფილოსოფოსის, საქართველოს მეცნიერებათა ეროვნული აკადემიის აკადემიკოსის, საქართველოს მწერალთა კავშირის წევრის, ორგზის ღირსების ორდენის, ივანე მაჩაბლის, ილია ჭავჭავაძის, ექვთიმე თაყაიშვილის, ივანე ჯავახიშვილის, დავით აღმაშენებლისა და საბას ორგზის პრემიის ლაურეატის, ფილოსოფიის მეცნიერებათა დოქტორის ბაჩანა ბრეგვაძის დაკრძალვის ცერემონიის მაღალორგანიზაციულ ღონეზე გამართვისთვის უწყებათაშორისი კომისიის სხდომის ოქმი

ქ. თბილისი

16/02/2016 წ.

2016 წლის 16 თებერვალს საქართველოს კულტურისა და ძეგლთა დაცვის სამინისტროში ჩატარდა გამოჩენილი ქართველი მწერლის, მთარგმნელის, ფილოსოფოსის, საქართველოს მეცნიერებათა ეროვნული აკადემიის აკადემიკოსის, საქართველოს მწერალთა კავშირის წევრის, ორგზის ღირსების ორდენის, ივანე მაჩაბლის, ილია ჭავჭავაძის, ექვთიმე თაყაიშვილის, ივანე ჯავახიშვილის, დავით აღმაშენებლისა და საბას ორგზის პრემიის ლაურეატის, ფილოსოფიის მეცნიერებათა დოქტორის ბაჩანა ბრეგვაძის დაკრძალვის ცერემონიის მაღალორგანიზაციულ ღონეზე გამართვისთვის უწყებათაშორისი კომისიის სხდომა. კომისიის შემადგენლობაში შედიან:

- ა) მიხეილ გიორგაძე - საქართველოს კულტურისა და ძეგლთა დაცვის მინისტრი - კომისიის თავმჯდომარე;
- ბ) მანანა ბერიკაშვილი - საქართველოს კულტურისა და ძეგლთა დაცვის მინისტრის მოადგილე;
- გ) ქეთევან ღუმბაძე - საქართველოს კულტურისა და ძეგლთა დაცვის მინისტრის მრჩეველი;
- დ) დავით ნარმანია - ქ. თბილისის მუნიციპალიტეტის მერი;
- ე) ნინა ხატისკაცი - ქ. თბილისის მუნიციპალიტეტის მერის მოადგილე;
- ვ) მაკა ნასრაშვილი - ქ. თბილისის მუნიციპალიტეტის მერიის კულტურის საქალაქო სამსახურის უფროსის მოადგილე;

ზ) გიორგი ალიბეგაშვილი - ქ. თბილისის მუნიციპალიტეტის საკრებულოს თავმჯდომარე;

თ) არჩილ თალაკვაძე - საქართველოს შინაგან საქმეთა მინისტრის მოადგილე;

ი) გიორგი კაკაურიძე - საქართველოს ფინანსთა მინისტრის მოადგილე;

კ) ნინო კობახიძე - საქართველოს მთავრობის ადმინისტრაციის უფროსის მოადგილე;

ლ) ზურაბ კიკნაძე - მწერალი, მთარგმნელი, ფილოლოგიურ მეცნიერებათა დოქტორი, პროფესორი;

მ) მამა გიორგი (ზვიადაძე) - სასულიერო აკადემიის პროტოპრესვიტერი;

ნ) ვლადიმერ პაპავა - ივანე ჯავახიშვილის სახელობის თბილისის სახელმწიფო უნივერსიტეტის რექტორი;

ო) მიხეილ ძაგანია - შპს „ჰერმესის“ დირექტორი;

პ) ბადრი ქუთათელაძე - დიდუბის მწერალთა და საზოგადო მოღვაწეთა პანთეონის დირექტორი;

ჟ) მარინა დავითაშვილი - თბილისის მწერალთა და საზოგადო მოღვაწეთა პანთეონების გაერთიანების დირექტორი.

კომისიის სხდომას ესწრებოდნენ:

ა) მიხეილ გიორგაძე - საქართველოს კულტურისა და ძეგლთა დაცვის მინისტრი - კომისიის თავმჯდომარე;

ბ) მანანა ბერიკაშვილი - საქართველოს კულტურისა და ძეგლთა დაცვის მინისტრის მოადგილე;

გ) ქეთევან ღუმბაძე - საქართველოს კულტურისა და ძეგლთა დაცვის მინისტრის მრჩეველი;

დ) დავით ნარმანია - ქ. თბილისის მუნიციპალიტეტის მერი;

ე) ნინა ხატისკაცი - ქ. თბილისის მუნიციპალიტეტის მერის მოადგილე;

ვ) მაკა ნასრაშვილი - ქ. თბილისის მუნიციპალიტეტის მერიის კულტურის საქალაქო სამსახურის უფროსის მოადგილე;

ზ) გიორგი ალიბეგაშვილი - ქ. თბილისის მუნიციპალიტეტის საკრებულოს თავმჯდომარე;

თ) არჩილ თალაკვაძე - საქართველოს შინაგან საქმეთა მინისტრის მოადგილე;

ი) ზურაბ კიკნაძე - მწერალი, მთარგმნელი;

კ) მამა გიორგი (ზვიადაძე) - სასულიერო აკადემიის პროტოპრესვიტერი;

ლ) ვლადიმერ პაპავა - ივანე ჯავახიშვილის სახელობის თბილისის სახელმწიფო უნივერსიტეტის რექტორი;

მ) მიხეილ ძაგანია - შპს „ჰერმესის“ დირექტორი;

ნ) ბადრი ქუთათელაძე - დიდუბის მწერალთა და საზოგადო მოღვაწეთა პანთეონის დირექტორი;

ო) მარინა დავითაშვილი - თბილისის მწერალთა და საზოგადო მოღვაწეთა პანთეონების გაერთიანების დირექტორი.

სხდომას თავმჯდომარეობდა საქართველოს კულტურისა და ძეგლთა დაცვის მინისტრი - მიხეილ გიორგაძე.

სხდომის მდვივანი - იურიდიული დეპარტამენტის დირექტორი - ნოდარ რაზმაძე

კომისიის მიერ მიღებულ იქნა გადაწყვეტილება ეთხოვოს:

1. ქ. თბილისის მუნიციპალიტეტის მერიას უზრუნველყოს ბაჩანა ბრეგვაძის ოჯახის მხარდაჭერის მიზნით, დაკრძალვასთან დაკავშირებული ყველა საჭირო ღონისძიების განხორციელება, კერძოდ: მწერალთა და საზოგადო მოღვაწეთა მთაწმინდის პანთეონში ბაჩანა ბრეგვაძის დაკრძალვა, დამკრძალავი ბიურო „ჰერმესი“-ს (სარიტუალო მომსახურება, სასახლე, ავტომანქანა) მომსახურება, სარიტუალო სუფრა (200 ადამიანზე), სამოქალაქო პანაშვიდზე დამსწრეთა ტრანსპორტით უზრუნველყოფა, საქალაქო სასწრაფო სამედიცინო დახმარების უზრუნველყოფა, საფლავის მოწესრიგება - კეთილმოწყობა, გადასვენება და დაკრძალვა. ასევე უზრუნველყოს თბილისის ერთ-ერთი ქუჩისათვის ბაჩანა ბრეგვაძის სახელის მინიჭების შესახებ საკითხის ქ.თბილისის მუნიციპალიტეტის საკრებულოსთვის წარდგენა.

6.12

2. საქართველოს შინაგან საქმეთა სამინისტროს უზრუნველყოფის სარიტუალო პროცესის დროს საზოგადოებრივი წესრიგისა და უსაფრთხოების დაცვისათვის დამატებითი ზომების მიღება (ესკორტი, მარშრუტის დაგეგმვა/ორგანიზება, საჭიროების შემთხვევაში საპატრულო პოლიციის ან/და საგანგებო სიტუაციების მართვის დეპარტამენტის მობილიზება, მოსახლეობის ინფორმირება მარშრუტებთან დაკავშირებული შეზღუდვების შესახებ).
3. საქართველოს საპატრიარქოს სიონის საკათედრო ტაძარში და მთაწმინდის პანთეონში სამოქალაქო პანაშვიდის ჩატარებისათვის აუცილებელი ღონისძიებების განხორციელება.
4. საქართველოს კულტურისა და ძეგლთა დაცვის სამინისტროს განახორციელოს პროცესის კოორდინაცია, კომისიის წევრებთან და შესაბამის უწყებებთან კომუნიკაცია და საორგანიზაციო საკითხების უზრუნველყოფა.

სხდომის თავმჯდომარე:

მიხეილ გიორგაძე

სხდომის მდივანი:

ნოდარ რაზმაძე



ქალაქ თბილისის მუნიციპალიტეტის საკრებულო



ნერილის ნომერი: 03-0318193130

თარიღი: 12/07/2018

ხელმოწერილია ელექტრონულად

პინი: 2282

ადრესატი: ქალაქ თბილისის მუნიციპალიტეტის მერია

მისამართი: შარტავას ქ. 7ა

გადაამოწმეთ: document.municipal.gov.ge

ურბანული განვითარების საქალაქო სამსახურის უფროსს ქალბატონ რუსუდან მირზიკაშვილს

გაცნობებთ, რომ სახელდებისა და სიმბოლიკის კომისიაში მიმდინარეობს ადმინისტრაციული საქმისწარმოების პროცესი ნიკოლოზ ბარათაშვილის ქუჩის მიმდებარე ტერიტორიაზე არსებული უსახელო ქუჩისთვის დარი უჯარმელის სახელის მინიჭებასთან დაკავშირებით.

როგორც მოგეხსენებათ, ქ.თბილისის მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ ქალაქ თბილისის მუნიციპალიტეტის საკრებულოს 2015 წლის 16 ივნისის #14-59 დადგენილების მე-9 მუხლის მე-3 პუნქტის თანახმად, კომისია ვალდებულია სახელდების შესახებ დაყენებულ ინიციატივას დაურთოს ქ. თბილისის მუნიციპალიტეტის მერიის შესაბამისი სამსახურიდან მოპოვებული გეოგრაფიული ობიექტის აღმნიშვნელი კარტოგრაფიული მასალა XY კოორდინატების მითითებით WGS-84 კოორდინატთა სისტემაში. სახელდებისა და სიმბოლიკის კომისიის მიერ ინტერაქტიული რუკის მეშვეობით შესწავლილი იქნა უსახელო გეოგრაფიული ობიექტის მდებარეობა და მის მიმდებარედ სახელდებული ქუჩები. გიგზავნით ჩვენს მიერ რუკაზე არაპროფესიონალურად მოხაზული ქუჩის სიტუაციურ ნახაზს (იხილეთ დანართი).

გთხოვთ, შეისწავლოთ განცხადებაში მითითებული გარემოებები და გამოგვიგზავნოთ დარი უჯარმელის ქუჩის სიტუაციური ნახაზი ქ. თბილისის მუნიციპალიტეტის საკრებულოს 2015 წლის 16 ივნისის #14-59 დადგენილების შესაბამისად.

თინათინ ნიბლოშვილი

ქალაქ თბილისის მუნიციპალიტეტის საკრებულო-სახელდებისა და სიმბოლიკის კომისია-კომისიის თავმჯდომარე



ქალაქ თბილისის მუნიციპალიტეტის მერია ურბანული განვითარების საქალაქო სამსახური



ნერილის ნომერი: 67-0118197586

თარიღი: 16/07/2018

ხელმოწერილია ელექტრონულად

პინი: 8154

ადრესატი: ქალაქ თბილისის მუნიციპალიტეტის საკრებულო

მისამართი: თავისუფლების მოედანი N2

გადაამოწმეთ: document.municipal.gov.ge

სიმბოლიკის კომისიის თავჯდომარეს

ქ-ნ თინათინ ნიბლოშვილს

მის: თავისუფლების #2

ტელ: +995(32)2 15 92 92

ქალბატონო თინათინ,

ქ.თბილისის მუნიციპალიტეტის მერიის ურბანული განვითარების საქალაქო სამსახურმა განიხილა თქვენი 13.07.2018 წლის #03-031819313 (13.07.2018წ. #14-01181932990-67) განცხადება, რომლის პასუხადაც მოთხოვნის შესაბამისად გიგზავნით კარტოგრაფიულ მასალებს არსებული ჩიხების, შესახვევებისა და გასასვლელების მითითებით. (იხ. დანართი)

რუსუდან მირზიკაშვილი

ურბანული განვითარების საქალაქო სამსახური-პირველადი სტრუქტურული ერთეულის ხელმძღვანელი
(საქალაქო სამსახურის უფროსი)